

kat.komp.
14270
III Mag. St. Dr. P
BIBLIOTHECA
UNIVERSITATIS
CRACOVENSIS

Paszuryski

Pascii Nicolai: Prothymia laureata honoris
v. d. Melchioris Gogolski.

PANEG. et VITAE
Polon. Pol.
N^o. 312.

Biblioteka Jagiellońska



stdr0001657

PROTHYMIA

LAVREATO HONORI,
V. D. MELCHIORIS
G O G O L S K I,

Mansionariæ Ecclesiæ Collegiæ S. MICHAELIS,
in Arce Cracouensi:

D U M

In Alma Vniuersitate Cracouensi,

Per Clarissimum, & Admodum Reverendum Dominum,

D. M. ANDREAM AVGVSTINVM

CZYRZYCZKOWIC,

Philosophiæ Doctorem & Professore,

Collegam Minorem, Ecclesiæ Collegiæ San-
ctorum Omnium CANONICVM,

In numerosissima Nobilissimorum Hospitiũ Corona

Artium & Philosophiæ Baccalaureus,

cum aliis pluribus eiusdem Laureæ CANDIDATIS,

Ritu Solenni renuntiaretur:

A

R. NICOLAO PASCIO, in Marci Poremba CURATO,

Uti Amico & Contribuli suo,

Amoris & gratulatorii applausus ergò

E X H I B I T A.

Anno Salutis, 1682. Die 18. Aprilis.

CRACOVIAE, TYPIS VNIVERSITATIS.

INSTEMMA
Almæ Academiæ Cracouiensis.



*Vatibus accitis Parnassi ad culmina, corde
Ista dolorifero nuper Apollo dabat
Cyrtha mihi sordet, spretum fastidio Cynthum,
Ungula Bistonij quem fera calcat equi.
Ipse bicornis apex grauis est mihi nausea, postquam
Stratus Othomanicos procidit ante pedes.
Transferar in Lechicos folio migrante triones,
Cracia dilectos mœnia habebo Lares.
Parnassi iuga bina dabunt duo Regia Sceptra,
Castalias referet vistula castus aquas.
Hac ait, & iussis Heliconâ relinquere Musis,
Urbe Craci Patrios fixit Apollo Lares.*



ODE TRICOLOS TETRASTROPHOS.

Cælo propinquam dico Zyueciam,
Vel Cæli Alumnam. Non ideo modò,
In editissimis quòd olim
Montibus est situata, & ipsi
Tanquam superbis Pyramidum iugis,
Fastigiato vertice turrium,
Tectisq; proceris domorum,
Ædibus, & superùm præaltis.
Cælo minari cernitur; at magis,
Virtutis existet, quod domus inclyta,
Et eruditorum tot altrix,
Fertilis & genitrix virorum.
Hæc illa certè est illa Zyuecia,
Frequente cætu, quæ Sobolis suæ
Tot claustra replet, tot sacratos
Canobis parit inquilinos.
Hinc multa Castris DOMINICVS suis,
Et Sacra CHRISTI vulnera qui gerit,
Et PAVLVS à Coruis cibatus,
Ductor Eremicolum, Brunoq;
Et ROMVALDVS, tum reliqui Patres
Suisq; Diui cætibus agmina
Accensuerunt, quos & Orbis
Spectat adhuc, aliq; plures
Stellata prensat iam Capitolia,
Mistiq; Diuis nectareos bibunt,
Perennè succos, & beatis
Ambrosiæ dapibus fruuntur,
Videre multos Ecclesijs licet
Præesse multis munere qui boni
Fungendo Pastoris, gregumq;
Sollicitam sibi creditorum
Gerendo curam, moribus integris,
Vitaq; tensa, paniteant face,
Sacraq; doctrinæ Saginâ,
Proq; ouibus animas profundant.
Videre multos intra Academiæ
Delubra fas est, quorum Academiæ
Inter Professores togatos
Tempora circumière lauri.
Quiq; eruditi dotibus ingeni,
Et verioris vi sapientiæ
Vincant Stagyritas (fateri
Vera licet) superent Platonas.
Hos inter altum surrigis altius
Caput GOCOLSKI, qui Genitoribus,
Piiq; doctisq;, & probatis
Zyueciâ generatus vrbe.

Fauentiori climatē, tempore
 Feliciori, dum Puer æthere
 Demissus alto Virginalē
 Exiguo bibit ore nectar,
 Quem trino honorant munere tres mag
 Et thure, & auro, roreque Myrrheo,
 Quos MELCHIOR locatur inter,
 Sol medius veluti minores
 Inter-Planetas, primigenus Tuæ
 Afflator auræ, nominis vt dator,
 Secundus à DEO tuisque
 Maximus auspicijs Patronus.
 Cuius Sacratum Nomen vt refers;
 Suam æmularis non secus indolem
 Vt visus olim bellicoso
 Ascanius Comes ire Patri,
 Ergo inter ipsas doctiloquis puer
 Lusisse Cunas creditus es libris,
 Reptasse per scriptas papyros
 Et calamos, tabulasque; forti
 Strinxisse dextra, dulcibus oscula
 Fixisse chartis, puluere literas
 Duxisse. Mox adultiores
 Posteaquam licuit per annos,
 Vt Ceruus acris, quem stimulat sitis
 Fontes aquarum feruidus appetit,
 Et ore potat æstuoso,
 Raucifonas releuatque; fauces:
 Sic tu relictis ZYVECIDVM iugis,
 Missis Napæis, Almæ Academiæ,
 Parnassumque; scandis, Delonque;
 Et riuam bibis Hippocrenen.
 Iamque; ex opimo fonte Aganippidum
 Hausisse Phœbus, quod dederat Tibi
 Hoc arce turrata VAPELLI.
 Ingenuæ referas iuuentæ:
 Interque; primæ nobile Laureæ
 Agena doctam prendis Adelphidem
 Palmamque; quam dum gratulatur
 Cum fociis Tibi LVDOVICVS
 ALEMBEK, ipsi tu quoque; par pari
 Reddis vicissim. Sic ego ceu tibi,
 Sum contribulis sic eandem
 Apprecor, ex animoque; Laurum
 Grator fideli. Viue precor diu
 Atque; ó GOGOLSKI cresce, & honoribus,
 Et Laureis Prothymiamque;
 Excipies in amore nostram.





